



今当更说，

38

因去知去者， 不能用是去，

先无有去法， 故无去者去。<sup>1</sup>

随以何去法知去者，是去者不能用是去法。何以故？是去、去法未有时，无有去者，亦无去时、已去、未去。如先有人，有城邑得有所起<sup>2</sup>；去法、去者则不然，去者因去法成，去法因去者成故。

复次，

39

因去知去者， 不能用异去，

于一去者中， 不得二去故。<sup>3</sup>

<sup>1</sup> 一、《般若灯论释·观去来品》云：

因去了去者，彼去则不去。  
先无有去法，故无去者去。

二、《大乘中观释论·观去来品》云：

因去知去者，不能用是去。  
先无有去法，故无去者去。

<sup>2</sup> 起【大】，趣【宋】【元】【明】

<sup>3</sup> 一、《般若灯论释·观去来品》云：

因去了去者，异去亦不去。  
去者是一故，去有二不然。





随以何去法知去者，是去者不能用异去法。何以故？一去者中，二去法不可得故。

复次，

40 41

决定有去者， 不能用三去；  
不决定去者， 亦不用三去；<sup>4</sup>  
去法定不定， 去者不用三；  
是故去去者， 所去处皆无。<sup>5</sup>

决定者，名实有，不因去法生。去法名身动，三名未去、已去、去时。

二、《大乘中观释论·观去来品》云：

因去知去者， 不能用异去，  
于一去者中， 不有二去故。

<sup>4</sup> 一、《般若灯论释·观去来品》云：

有实无有实， 亦有实无实，  
如是三去者， 各不用三去。

二、《大乘中观释论·观去来品》云：

若实有去法， 去者不用三，  
不实有去法， 去者不用三。

<sup>5</sup> 一、《般若灯论释·观去来品》云：

是故去无性， 去者亦复然，  
去时及诸法， 一切无所有。

二、《大乘中观释论·观去来品》云：

去法有不有， 去者不用三。  
是故去去者， 所去处皆无。





若决定有去者，离去法应有去，不应有住，是故说决定有去者不能用三去。若去者不决定，不决定名本实无，以因去法得名去者，以无去法故不能用三去。因去法故有去者，若先无去法则无去者，云何言不决定去者用三去？

如去者，去法亦如是。若先离去者，决定有去法，则不因去者有去法，是故去者不能用三去法。若决定无去法，去者何所用？

如是思惟观察，去法、去者、所去处，是法皆相因待。因去法有去者，因去者有去法，因是二法则有可去处，不得言定有，不得言定无。是故决定知，三法<sup>6</sup>虚妄，空无所有，但有假名，如幻、如化。

---

<sup>6</sup> 三法：即指去法、去者、所去处。

